

續增刑案匯覽

新培刑案匯覽卷十五

目錄

罪人拒捕

賊犯拒捕殺死未奉票之馬甲

搶奪豬隻被追銃傷事主

竊賊毆死代訪賊賊之人

竊賊登門向事主索還賊具

逃流被獲刃傷差役致令自盡

賊犯拒傷巡役不應照事主論

竊賊拒捕喝令夥賊毆死眼線

因事牽連奉票傳喚毆死差役

顏婦兇徒與販婦女拒傷幫役

堂弟犯案疊起爭吵毆死官兵

門干擅殺傷賄縱米石之門領

爭占公山因關而搶並非罪人

毆毆不遇搶奪器物以罪人論

強搶牛隻截奪鹽船均屬罪人

種草衛田擅殺拔草之人

罪人持銳絆跌不期斃罪人

致死擄錢逃走罪人

事後故殺年甫九歲之竊賊

毆死借屍訛錢之人二命

搶殺應死罪人案內之餘人

殺死強姦伊子未成之罪人

糾眾致斃罪人未便比照原謀

地保挈獲醉鬧之人被鍊墜死

捕役挈賊用言恐嚇致令自盡

因父被人擾害其子毆死棍徒

表兄屢被訛詐表弟毆死棍徒

謀殺竊賊餘人病故未便減流

謀殺罪人從犯病故未便減流

被搶奪而搶殺另犯死罪之賊

事主搜賊毆死奪賊拒捕之賊

徒手拒捕情太兇橫倉卒格斃

互扭同跌落水捕者幸而得生

獄囚脫監及反獄在逃

強盜越獄邀令同逃不允之犯

烟瘴軍犯聽從越獄脫逃

宗室擬絞監禁私自出獄投同

瘋病縶人監禁之犯越獄脫逃

殺犯在監肆鬧拒捕刃傷兵役

罪囚自號牢頭非刑陵虐索詐

禁卒故縱監犯賄博

嚴禁監犯私充牢頭嚇詐同囚

禁卒將凌遲犯婦竊放同逃

司獄失察斬婦與禁卒通姦

協緝年滿丁憂准其回籍充徒

徒流人逃

命盜案毋許延擱並嚴拏逃軍

軍流遣犯在配脫逃嚴行查究

救前脫逃之盜犯自行投回

減徒之犯竊取公文自行投到

准減徒犯未奉部覆在配脫逃

看役疎防枷犯帶枷脫逃

疎脫接遞軍犯七名

解役疎脫遞籍無罪人犯

解役賄縱軍犯脫逃

坊役受賄將取保人犯縱放

烟瘴逃軍例有枷號毋庸再加

逃軍私毀刺字毋庸另加枷號

免死減發極邊在配初次脫逃

命案減流在配脫逃另犯搶奪

援免絞罪擬流之犯脫逃被獲

聲請滅流之犯脫逃被獲改發

掣發逃軍復又中途脫逃

逃徒被獲復在保脫逃

軍犯因案傳訊交差帶候脫逃

發遣爲奴犯婦在配脫逃

逃軍成廢情重不准收贖

蒙古偷馬州縣逃犯在押脫逃

隣佑明知逃流不首幫同拒捕

逃軍逃流照例加枷五軍決杖

叛案被脅擬遣脫逃毋庸正法

免死盜犯在配脫逃應行援赦

結拜爲從擬斬脫逃仍發烟瘴

竊盜緩快減軍脫逃仍發烟瘴

竊盜拒捕擬軍脫逃應加一等

烟瘴軍犯在逃行竊復犯徒罪

烟瘴軍犯在逃行竊復犯流罪

烟瘴軍犯在逃行竊計贓無幾

搶奪減軍解配中途脫逃犯竊

因竊擬校減軍在配脫逃復竊

續增刑案匯覽卷十五目錄終

續增刑案匯覽卷十五

罪人拒捕

賊犯拒捕殺死
未奉票之馬甲

奉宸苑 咨送賊犯韓拴兒拒捕扎死馬甲恒山在逃

一案旋據提督衙門拿獲韓拴兒次交審辦奉

旨韓拴兒黃五馬大馬五俱交刑部審訊馬甲恒山因拿

犯被傷殞命情殊可憫著賞銀五十兩並著該衙門查

明該馬甲如有子嗣賞給錢糧一分以示矜恤苑副德

克登額著先行革職聽候傳質欽此緣韓拴兒係內務

府正黃旗閑散該犯住屋窄小常在同村范八十之

弟范五家借住道光十八年四月十一日

南苑總領章京德克精額帶兵巡查地面拿獲賊犯幅
山訊認聽從韓套兒等偷竊猪隻並供出韓拴兒曾
糾同該犯行竊張勝家驢頭賣錢依分等情二十四
日定更後德克精額同范副等酌議韓套兒等屢在
苑內行竊不必回堂即可乘夜往捕究辦示懲隨帶
領馬甲恒山等十一人二更時走至牌坊村見有一
人站立因兵丁喝問其人轉身跑入范五院內兵丁
進院捉拿認係范八十因范八十亦係賊匪即行捆

住拉走維時韓拴兒在范五家內借住聽聞范八十
嚷說官人來拿該犯韓拴兒欲起避適馬甲恒山進
屋搜尋燈光下看見韓拴兒上前捉捕韓拴兒起身
順拾尖刀抵戳致傷恒山左乳等處旋即殞命嚴審
韓拴兒行竊屬實詰無翻拒之人此案韓拴兒曾夥
同帽山偷竊驢頭賣錢分用因在范五家借住官兵
將范八十拿獲恒山進屋搜捕該犯刀扎恒山斃命
查總領章京德克精額等帶領兵丁夜出紅門廝訪
韓套兒等既未回堂奉派又不曾同營汛是韓拴兒

並未奉票差拘之犯不得科以犯罪事發官司差捕
逞兇拒殺差役之條惟該犯究係竊匪馬甲恒山德
克精額等跣訪盜賊卽有應捕之責應將韓拴兒依
犯罪拒捕殺所捕人律擬斬監候范八十照再犯例
枷杖刺面已革苑副德克登額與總麻奴韓拴兒素
不往來並無容隱情事可否准其開復之處出自

天恩至總領章京德克精額等未奉堂派緝捕又不曾同
營汎輒於黃夜率領兵丁擅出紅門雖事屬因公亦
有不合應查取職名照例辦理

道光十八年五月廣
東司案見邸抄

拾得猪隻被追
銃傷事主

竊賊毆死代訪
賊賊之人

南撫 咨丁牛兒聽從宋福釐等拾得廖倫全家猪
隻因被事主追趕放銃中傷事主平復將丁牛兒照
竹銃傷人擬軍例加拒捕罪二等改發雲貴兩廣極
邊烟瘴充軍到配加枷號三個月

道光十四年案

河撫 題何郭桂糾竊彭耿氏家瓦茶壺等物彭耿
氏未經呈報託族姪耿懷友訪查耿懷友至何郭桂
家瞥見原贓通知彭耿氏前往搜查何郭桂因竊敗
露往向耿懷友斥罵耿懷友撲毆何郭桂拔刀扎傷
耿懷友身死查耿懷友並非事主捕人應以凡鬪論

竊賊登門向事
主索還賊貝

逃游被獲刃傷
差役致令自盡

將何郭桂依鬪殺律擬絞監候
道光十四年案交館
覈辦

直督 咨賊犯劉改成行竊被事主追逐乘賊逃未

遺落賊械慮恐事主告官免人索還不允糾邀四人

各持器械赴事主門首迫索滋鬧該犯雖執持器械

並未拒捕成傷將劉改成酌照棍徒擾害擬軍例量

減一等杖一百徒三年
道光十年案

江西司 咨流犯鍾遙捕由配逃回差役劉富見而

捕獲該犯情急圖脫用刀拒傷劉富偏左等處致其

傷痛自縊身死例無治罪專條惟該犯但係刃傷死

賊犯拒傷巡役
不應照事主論

出意外自應仍按凡鬪致令自盡例加拒捕罪科斷
將鍾逆栳於因事威逼人致死果有致命重傷例加
拒捕罪二等發極邊烟瘴充軍 道光十二年案

河撫 咨李魁行竊楊魁法錢鋪拒傷巡役該撫照
竊盜雖離盜所臨時護賊格關傷非金刃傷輕平復
例發邊遠充軍本部查李魁行竊傷魁法錢鋪事主
驚覺賊捕該犯攜賊逃出街上適巡役王大有等巡
緝至彼聞賊幫捕該犯護賊拒捕川繩鞭毆傷王大
有左額角平復傷非事主應改依兇器傷人近邊軍

竊賊拒捕喝令
夥賊毆死眼線

加拒捕罪二等發極邊充軍

道光七年案

陝督題賊犯李幅兒於聚眾奪犯後復被差役追
捕起意糾夥拒捕喝令夥賊海滿欣等毆扎眼線袁
成名身死該督將李幅兒依犯罪事發逞兇拒捕殺
死差役例擬斬立決海滿欣依爲從下手傷重致死
例擬絞立決劉存兒等擬以軍徒等因本部查歷年
辦理殺死眼線擬斬立決者只有奪犯殺差成案若
罪人拒捕殺死眼線俱係照殺所捕人律問擬斬候
今袁成名係差役所邀之眼線並非差役其被李幅

兒喝令海滿欣等殺死係在拒捕之時非在奪犯之時應將李幅兒照殺所捕人律擬斬監候海滿欣等分別減擬軍徒惟所稱李幅兒喝令海滿欣等趕快毆扎等語其主令毆扎何人並未指明自應再行嚴審如果係海滿欣自用繩鞭拒斃應將海滿欣擬抵仍科李幅兒以聚眾奪犯之罪駁令覆審去後茲據該督訊明委係李幅兒喝令毆扎並非海滿欣等自行拒扎將李幅兒改依殺所捕人律擬斬監候海滿欣等依爲從律擬以軍流

道光九年案原設帖載

因事牽連奉票傳喚毆死差役

安徽司 趙陸漢獐於趙球糾逐僧恒玉之時畏懼

不允並不知趙球等乘便搶物情事是該犯係屬自

事牽連本非有罪之人迨被差役桑泳奉票往傳將

伊髮辨揪住該犯拔刀嚇北致傷桑泳右腿委因情

急圖脫其致傷領咽喉等處亦由抵格撲歷所致

與有心拒捕不同惟究係勾攝之人不服傳喚致誤

戮傷差役身死將陸漢獐依官司差人勾攝公事抗

拒不服毆所差人死者斬候律擬斬監候

道光十一年案

類屬兇徒與賊婦女拒傷有殺

安徽司 谷劉克全等各自與販婦女雖俱尚未獲

堂弟犯案費起
爭吵毆死官兵

續增刑案匯覽

實惟意在獲利業已與販出境律貴誅心卽與轉賣
無異契內既稱聽憑賣爲妻妾奴婢自應照轉賣爲
奴婢科斷該犯等又各起意將幫役趙意保等拒傷
查幫役與奉官差遣者不同祇應照凡人鬪傷問擬
劉克全等四犯係類屬良人同場拒捕在三人以上
卽屬結夥逞兇將劉克全等均從重照類屬兇徒結
夥持械傷人例發極邊足四千里充軍
道光十三年案
熱河都統 谷王克仁因堂弟王克禮犯賊被把總
尤文成押帶遯同劉進喜前往探信劉進喜因聞王

門干擅殺傷賄
縱米石之門領

克禮被責在街海馬因兵丁李繼明出阻不服致相
爭吵王克仁上前幫護用木鐃柄毆傷李繼明越日
身死惟釁起爭吵毆由幫護詰無奪犯拒捕情事將
王克仁依鬪殺律擬絞監候

道光十三年直隸司案
交館覈過

提督 奏送左安門干總雙福先因門吏成保等得
受米鋪錢文順其稽查嚴緊彼此不睦嗣雙福拿獲
出城粗米成保聲言僅止二斗不他送辦將米放走
致相分爭該門領潘傑袒護成保以雙福挑斥零米
欲行搗聚並有欲將雙福毆打之言雙福以奉公當

差反被揪壓一時氣忿起意將成保潘傑謀殺洩忿
隨攜腰刀走出屋門經兵丁王勇明查問揪扭將王
勇明砍傷復找至成保潘傑家踹門進內先後將成
保潘傑砍傷又誤傷潘傑之子松林傷俱平復查雙
福用腰刀砍傷王勇明等並非有心欲殺按兇器傷
人罪止擬軍其將潘傑成保砍傷係謀殺人傷而未
死該革弁與門領潘傑成保並無統屬應同凡論將
雙福依謀殺人傷而未死律擬絞監候惟潘傑等得
受米鋪錢文已有應得罪名該革弁於米鋪行賄錢

文不肯隨同收受尙知守法盡職研訊起釁情由實
因稽查米石嚴緊被潘傑等得賄欺壓所致與圖洩
私讐蓄意謀殺者有間衡情近於擅傷罪人若照律
擬以縲首未免情輕法重相應請

旨將雙福量減仍照擅傷罪人本例發近邊充軍係旗人
照例折枷等因道光四年十一月初五日奉

旨此案已革門下總雙福因稽查米石被門領潘傑等得
賄欺壓輒起意謀殺洩忿用腰刀將潘傑成保砍傷並
傷及兵丁王勇明及潘傑之子松林雖與圖洩私讐者

有聞擬以纓首固未免情輕法重然先屬有意擅傷若
因該草弁係屬旗人照應得軍罪僅予折柳亦未平允
雙福著卽發往烏魯木齊當差以示懲儆餘依議欽此

浙江司案

爭占公山因鬪
而搶並非罪人

廣東司 查律載與人鬪毆因而竊取財物者計贓
准竊盜論奪去者加二等並免刺若竊奪有殺傷者
各從故鬪論又同謀共毆人致死下手傷重者殺監
候又例載因爭鬪擅將烏鎗施放殺人者以故殺論
又律載故殺者斬監候各等語此案先據該撫以羅
遂等與馮咽訓等各村居住馮姓村外有郭屋樓官
山向係馮羅二姓公共樵採馮咽訓等在山砍柴適
羅遂等族人羅阿狀亦至該山割草馮咽訓因山內
柴草不敷兩姓樵採欲藉詞藉占卽商同馮添應等

捏稱該山係馮姓祖業不許也人僦採並將羅阿狀
趕逐下山羅阿狀跑走一路喊罵馮幗訓起意商同
馮添應等往尋羅阿狀毆打洩忿并可使羅姓族衆
畏懼不敢至山爭伐草木齊至羅姓村前嚷罵羅阿
狀畏懼躲避馮幗訓尋毆不獲即喝同馮添應等各
持挑刀將羅姓祖屋圍繞打毀門窗瓦井並乘間將
其屋內器物搶掠地內種植蔗株割取跑走羅阿狀
看見不依邀同羅遂等各持田刀趕捕馮幗訓等抵
鯉羅遂擣取竹銃點放致傷馮幗訓殞命羅汝亦放

銃致傷馮添應殞命羅園用刀殺傷馮棚業殞命羅
鴻用刀將馮棚秀頭顱砍落殞命羅腰點放竹銃致
傷馮棚驚殞命羅坎用刀砍傷馮家恕殞命羅貝用
刀砍傷馮一進殞命前據該撫將羅遂羅園羅腰俱
照擅殺罪人律擬絞監候并聲明羅拔在監病故羅
鴻等在逃未獲等因具題經臣部查郭屋樓官山本
係馮羅兩姓公共樵採之區並非羅姓已業馮棚訓
等藉詞霸占不許羅姓樵採雖屬理曲肇釁究非強
占羅姓山場可比卽其糾眾將羅姓祖屋打毀乘間

拾檢器物割取蔗株亦因被罵氣忿尋毆不遇所致
與實犯搶奪擾害不同不得謂爲罪人其被羅遂等
兇毆致斃七命雖訊無約期械鬪情事亦應將羅遂
等照尋常共毆之案分別故鬪辦理乃該撫輒因馮
咽訓等因鬪而搶並事由爭占公山起釁遽行指爲
罪人而將兇毆致斃七命之犯概照擅殺律問擬殊
屬輕縱等因題駁去後茲據該撫疏稱羅遂等被馮
咽訓等將公共山場捏作己業欲圖占管並挾忿糾
毆不遂輒將羅姓祖屋圍繞各待刀石打毀門窗瓦

片搶機屋內器物割取屋旁蔗株以致羅遂等將馮
幘訓等捕毆斃命查馮幘訓等疊起鬪占官山誠如
部示係屬理曲肇釁並非強占羅姓山場可比惟其
糾衆將羅姓祖屋圍繞打毀搶檢器物割取薛株共
估值銀三百五十兩按例罪應擬軍究不得謂非罪
人其被羅遂等登時捕毆致斃祇因爭鬪起釁並非
預謀搶毀與實犯搶奪及無故擾害不同是以將羅
遂等照擅殺罪人律擬絞不能照登時毆斃賊犯及
殺死棍徒之例擬徒若因其釁起爭毆將擅殺罪犯

之事主仍照尋常共毆之案分別故鬪辦理則又與
致斃平人毫無區別似失情法之平將黜遂等仍照
原擬依擅殺律擬絞監候具題臣等查八命案件除
死係姦盜及放火擾害等項罪人律例內載明應照
擅殺問擬者准其科以擅殺外其殺死尋常有過犯
之人概不得以擅殺論致敢殘殺之漸至因鬪毆而
奪取財物有殺傷者各從故鬪論律內業有明文尤
當遵照辦理此案馮囑訓等糾衆打毀羅遠等祖屋
拾檢器物割取襟抹如果實係因鬪而搶則按律止

應准竊盜論加二等與無故搶奪應計賊分別問擬
徒流絞罪者不同其致傷馮棚訓等身死之羅遠等
自應按律各從故鬪論不得率擬擅殺致與定律不
符惟查鬪毆律註內稱相爭爲鬪相打爲毆可見律
稱與人鬪毆係指兩造互相毆打而言今馮棚訓等
圖占公山將在山砍柴之羅阿狀趕逐下山維時羅
阿狀跑走迫馮棚訓糾人往尋羅阿狀毆打洩忿羅
阿狀畏懼躲避馮棚訓等因尋毆不獲即將羅姓祖
屋打破並搶擄器物割取蔗糖跑走是否因鬪而搶

白鹿研究明確分別定斷乃該撫並未將馮暢訓等
會否互毆打聲敘明確擬將殺死馮暢訓等之羅
遠等概照擅殺定擬仍未允協至定律一成不易案
情百出不窮查例言案久于例禁況該撫所引何五
毛楊葉猪一案係嘉慶年間未經通行舊案與本案
情節不甚相符未便牽引應令該撫查照 部前後
指駁情節提犯研鞫究明馮暢訓等是否因鬪而搶
再行妥擬具題等因奉

旨此案著該撫查照刑部指駁各情節提犯詳細研鞫究

明馮輞訓等是否因鬪而搶按律要擬具題不得舍律
引案致違定例欽此行文去後旋據該省提犯覆訊委
因馮輞訓等圖占官山柴薪不容羅阿狀在山樵採
並將其趕逐下山羅阿狀跑走回村一路喊罵辱及
馮姓祖先馮輞訓氣忿復起意糾眾往尋羅阿狀毆
打并搶奪財物洩忿走至羅姓村前適羅阿狀外出
馮輞訓等因尋毆不遇即將羅姓祖屋打毀并搶檢
器物割取蔗株走出村外空地樹林坐歇正欲分贓
適羅阿狀由外轉回聞知卽邀同羅遂等前往追捕

爭毆不遇搶奪
器物以罪人論

致斃馮囑訓等七命當日馮囑訓等實係預謀尋毆
搶奪因羅阿狀先已外出並未與其爭鬧馮囑訓等
卽毀搶攜賊走至村外空地坐歇事後被羅遂等追
至毆斃究鞫不移查馮囑訓等既起意預謀搶奪究
未與人毆打卽與實犯搶奪無異不得以因鬪而搶
論該犯羅遂等事後追捕將馮囑訓等毆斃實屬擅
殺應將羅遂等仍照原擬依罪人不拒捕而擅殺律
擬絞監候

道光十五年說帖十六年題結○初擬案
載卷五十六

強搶牛隻截奪
鹽劬均屬罪人

巡役向私販放
鎗誤斃旁人未
便照因故殺而
誤殺律擬斬應
照圖殺擬絞案
載續增益法條
東省高法坤

安徽司 趙懷峰因王連仲與高軒等在別界價
買官鹽交王連仲背負經過門首趙懷峰指稱私鹽
硬行截奪王連仲同高軒等往趙懷峰家聚討適趙
懷峰外出高軒等尋獲鹽包背負先行王連仲將趙
懷峰堂兄趙懷然牛隻搶走趙懷然邀同楊兵等追
捕楊兵等各用庫刀鎗將王連仲扎傷逃走王連仲
追趕時趙懷峰歸家查知趕往攔住用鎗扎傷王連
仲身死查王連仲各傷惟被趙懷峰所扎為重王連
仲雖係搶牛罪人趙懷峰截奪鹽劬亦屬罪人當以

凡鬪論楊兵等因趙懷然牛隻被搶聽從趙懷然追捕並非趙懷峰糾往其各用庫刀鎗扎傷王連仲係屬擅傷罪人應以擅殺案內餘人論將趙懷峰依共毆人致死律擬絞監候楊兵等照擅殺案內餘人兇器傷人依共毆餘人律杖一百

道光十三年案

種草衛田擅殺
拔草之人

福撫題劉旺旺等各自致斃潘紀輝等五命一案查劉旺旺等於已業洲田內種草衛田被潘紀輝等擅行拔取該犯等各自捕毆致斃潘紀輝等五命與爭洲僻闕者不同將劉旺旺等均比依民間農田如

罪人持銃絆跌
不期銃斃罪人

於已業地內費用工本挑築池塘蓄之水他人擅
自竊放被應捕之人殺傷者各依擅殺罪人問擬例
擬絞監候

道光十三年業原駁說載卷五十六

廣西撫 題莫桂友因周全隴藉資訛詐強牽十隻

該犯攜銃趕向攔捕周全隴持棍毆打該犯畏懼負

銃跑避不期被石絆跌撞動火機以致銃傷周全隴

身死查周全隴與莫桂友一則搶詐拒捕一則被誘

成姦彼此均屬罪人未便以擅殺科斷其撞動火機

適傷並非有心施放亦不得謂爲故殺但當時已有

致死揚錢逃走
罪人

事後故殺年甫
九歲之竊賊

爭鬪情形莫桂友應照鬪殺律擬絞監候
道光十二年案

陝督 題戴緒因令工人梅金討收欠錢梅金乘間
拐錢逃走係屬有罪之人該犯將梅金找獲縛吊毆
打致死應照罪人不拒捕而擅殺律擬絞監候

道光十三年案交館覈過

川督 題劉繼緒因從年甫九歲楊風烈之父楊米
家附壁讀書楊風烈竊伊錢文事後親獲原贓用刀
砍傷楊風烈倒地因被混罵起意將其疊砍致斃實
屬擅殺將劉繼緒依事主因賊犯竊財事後毆打致

毆死藉屍訛錢
之人二命

死者照擅殺罪人律擬絞監候

道光十三年案交館
嚴過

川督題趙文金因張老四之兄張思位患病向趙

文金借房居住後張思位病故張老四央趙文金代
討棺木眠同裝殮後張老四起意訛詐商允張文斌
同往趙文金家卽以其兄身死不明賴稱裝殮時並
未到場令給錢文免得告官之言向嚇趙文金不理
張老四張文斌逼令給錢趙文金欲投人講理張老
四卽用鐵鋤向毆趙文金奪鋤毆傷張老四腦後倒
地張文斌趕攆奪鋤趙文金用鋤嚇毆適傷張文斌

例載關殿及故殺人條

擅殺應死罪人案內之餘人

右肩倒地張老四張文斌旋即殞命查張老四等借屍訛錢實屬憑空詐賴均係有罪之人張老四張文斌同姓不宗並非一家自應比例從一科斷將趙文金比照無賴棍徒憑空詐賴欺壓平民若受害人有殺傷者以擅殺傷罪人律科斷例照擅殺罪人律擬絞監候

道光八年案

安徽司咨張凡搶奪劉全鹽觔將劉全拒傷身死趙文等係聽從劉全追奪被搶鹽觔因見劉全被張凡拒斃趙文等擁護共毆張凡身死係屬擅殺應死

摑殺輪姦罪人
照摑殺強姦罪
人科斷道光七
年河南撫趙陳
黑過案

殺死強姦伊子
未成之罪人

罪人張凡身受各傷惟破在逃之劉鳳懷所毆爲重
將來拿獲正兇劉鳳懷罪止擬杖今趙文用刀扎傷
張凡臂膊係摑殺應死罪人案內餘人例無治罪明
文將趙文依摑殺罪人案內餘人正犯罪止擬徒者
杖八十例上再減一等擬杖七十
道光十四年案

東垣題杜大眼因孫闖強姦伊子杜秋未成被辱
氣忿攜刀往尋未遇嗣見孫闖在橋下睡熟乘機用
刀將其謀砍致死將杜大眼比照強姦未成罪人被
本婦有服親屬忿激致死殺非登時例擬絞監候

道光十一年案

糾眾致斃罪人
未便比照原謀

賁撫 題王宇因被郭占銀郭得先偷摘包穀並將
其女閤王氏與媳王何氏毆傷糾邀王呈祥等往拿
郭占銀等送官並非令其毆打與原謀不同惟該犯
糾人往拿以致王呈祥鄧得寬毆傷郭占銀父子二
命應比照原謀或一等擬以杖徒本部查擅殺罪
人與凡鬪不同並無原謀之例王宇因郭占銀等偷
竊包穀並將伊女伊媳毆傷糾邀王呈祥等往拿郭
占銀等送官並無不合即王呈祥等將郭占銀等毆

地保拿獲醉鬧
之人被鍊墜死

死尤非王宇意料所及該撫將王宇量減擬徒之處

應毋庸議

道光十一年案

河撫題王第六身充地保因李暢牛恃醉向張魁
借錢爭毆該犯因向勸處不服慮恐乘醉滋事用鐵
鍊套住李暢牛項頸欲圖送究因天色已晚李暢牛
又沉醉難行將其帶至廟內並將繫項餘鍊拴於柱
上歇宿以致李暢牛被鍊墜勒咽喉氣閉身死實屬
設法制縛誤斃其命查地保有稽查之責與捕役
無異將王第六比照罪犯業經拿獲捕役借稱設法

捕役拿賊用言
恐嚇致令自盡

制縛誤傷其命照已就拘執而殺以鬪殺論例擬絞
監候 道光十一年案

南撫 咨捕役吳江差拿竊賊楊得名因其不肯投
審並被督罵輒以稟官拷訊及將伊妻帶案之言向
其嚇逼致令畏懼自盡尙無詐贓情事將吳江比照
竊役詐贓斃命擬絞例量減一等杖一百流三千里
道光七年案

因父被人擄去
其子毆死提徒

山西司 查例載實在兇惡棍徒無故生事行兇擄
害被害之人登時忿激致死者杖一百徒三年等語
此案王景壽因無服族叔王應法曾託伊父王應義
代借錢十三千文王應義向討畢吵王應法即捏王
應義借其錢交本利應給錢六十餘千持出假約訛
詐狡開王應義被鬧不休欲控經王展貴等調處給
王應法錢十千文王應法嫌少不依即囑弟王應幅
將其老病之母黨氏背至王應義家逼鬧經黨長才
等處令將其託借之本利六十餘千暨會錢借麥等

項分別認還王應法聲言王應義前次因何欲將其
控告逼令唱戲賠禮王應義未允王應法復又吵嚷
經人勸回後王應法屢次尋鬧王應義躲避嗣王應
法復攜鐵鋸闖入王應義家內王景壽擋住王應法
不依吵罵並用鉄鋸毆傷王應義額顙聲稱如不給
錢定將其父子毆死復持鋸撲毆王應義畏懼跑避
王景壽因其屢次訛詐欺壓又將伊父毆傷氣忿奪
獲鐵鋸毆傷其額顙右太陽穴王應法轉身抽取小
刀王景壽復用鐵鋸毆傷其額門等處倒地殞命該

撫以例無被害之親屬毆死棍徒作何治罪明文然
父子爲天性至親義屬一體律以擅殺絞候不足以
昭情法之平似應將王景壽依被害之人登時殺死
棍徒例擬徒惟例無明文咨部示覆等因本部查登
時殺死兇惡棍徒問擬滿徒之例係專指被害之人
而言至其父被人擄害其子將擄害之人殺死雖與
例文稍有未符然父子爲天性至親目擊其父被人
擄害較之身受者尤爲迫切其將擄害之人殺死自
未便因非被害之人遽照尋常擅殺擬以絞抵致失

情法之平今王應義屢次向王景壽之父王應義訛索錢文並將王應義毆傷實屬棍徒該犯王景壽見父被毆奪鐵將其毆斃係屬登時而殺查該犯爲被害王應義之子情切天倫非尋常親屬可比自當原其忿激之情卽照被害之人登時殺死棍徒例問擬應令該撫作速審擬咨部

道光十四年說帖

表兄屢被訛詐
表弟毆死棍徒

陝西司 查律載共毆人致死下手致命傷重者絞監候又例載兇惡棍徒無故生事行兇擾害被害之人登時忿激致死者杖一百徒三年各等語此案楊

乃積因在伊表兄趙學富家傭工趙學富與趙應高同姓不宗趙應高窺趙學富家道寬裕人亦長厚趙意訛詐賴稱趙學富借其包穀三石立逼交還並將趙學富揪毆經人勸令量給包穀而散後村衆與趙應高公同宰羊酬神趙應高一入將羊肉皮張攜去衆往索討不給反向警署並因趙學富是日未經前往疑係趙學富主使村衆索羊隨至其家打開用鞭桿將趙學富毆傷後趙應高又至趙學富家欲借銀一千兩少聞適楊乃積自地回歸解勸被趙應高斥

護醫馬殿傷趙學富長兄給錢二千文之數嗣趙應
高復至趙學富家訛詐趙學富趙應高聲稱趙
學富係伊契買家奴欲令其夫婦出外騰交房產並
將趙學富之妻李氏揪毆楊乃積解勸趙應高卽揪
住楊乃積辱罵適趙學富同母異父弟李老幅喝勸
趙應高又撲向李老幅毆打楊乃積因無故屢被毆
罵忿激與李老幅各用木棒掀柄將趙應高毆傷身
死該撫將楊乃積依棍徒生事擾害被害之人登時
忿激致死例擬以滿徒咨部查毆死兇惡棍徒問擬

徒罪之例係指被害之人登時忿激致斃者而言若
犯非被害之人卽不得濫行率引今趙應高屢次向
趙學富訛索擾害因屬棍徒惟共毆致斃趙應高之
楊乃積係趙學富表弟並非被害之人卽其兩次被
趙應高毆害亦不過尋常鬪毆究與實在身受擾害
者有別自應仍照共毆致死本律擬抵該撫將楊乃
積照被害之人登時毆死棍徒例擬徒殊未允協罪
關生死出入應令該撫另行按例妥擬具題到日再
議

道光十三年說帖

謀殺竊賊餘人
病政未便減流

四川司 查例載事主因賊犯白日入人家內偷竊
財物已就拘獲祇復疊毆致斃者照擅殺罪人律擬
絞監候又共毆案內下手應擬絞抵人犯遇有毆有
致死重傷之餘人到官以後未結之先監斃在獄准
其抵命將下手應絞之人減等擬流各等語此案僧
人尚良因王玉海與兄王玉富佃居伊田房王玉海
屢次行竊被事主查知經商良與王玉富分別賠還
贓物央求免報嗣商良回寺見王玉海竊取伊櫃內
錢文趕攔將其捉住喊叶王玉富同卯林我取麻繩

將王玉海兩手捆縛拴在柱上時有與王玉海同姓
不宗之王老八見而問知王玉海央求王老八解放
王老人不允王玉海屢罵王老人順拾鐵條毆傷其
左臂膊等處王玉海益肆囂罵並稱將來定欲拊而
殺王老八一併殺害而王老八慮恐日後受累起意將其
活埋致死王玉富因其屢次偷竊玷辱祖宗與王老
八等均各允從王玉富挖掘土坑而王老八等將
王玉海推入坑內掩埋經縣獲犯王老八在押病故
該督以在場加功之王老八在押病斃與共毆案內

餘人監禁在獄者無異將商良比依共毆案內下手
應擬絞抵人犯遇有餘人到官以後未結之先監禁
在獄准其抵命之例於擅殺罪人絞罪上減一等擬流
等因具題_臣等查毆有致死重傷之餘人監斃在獄
准將應擬絞抵人犯減流之例係專指共毆斃命者
而言若案關謀殺向無因加功從犯到官病故准將
造意首犯減等問擬之條至擅殺之案雖無論謀故
均得照闖殺科斷然究係有心欲殺卽與尋常共毆
之案情節不同且業因死係罪人不與凡人一例問

謀殺罪人從犯
病故未便減流

擬駢首自未便因餘人到官病故復強援其毆之例
將首錢文等定擬致洋輕縱今僧人商良因王玉海
竊伊錢文被伊捉住捆縛邀同王老八等將其活埋
致命實屬有心致死自應仍照擅殺本例問擬絞候
該督因加功之王老八在押病故輒比照共毆案內
餘人監斃在獄准其抵命之例將商良減等擬流殊
未允協應令該督另行文擬其題
道光十四年說帖
十六年遵駁更正
四川司 此案余登賢因夏子洪夏子受弟兄竊伊
公共地內芋麥起意將夏子洪活埋身死西鄰美亦

起意將夏子受活埋致斃後旋即自縊殞命前據該
督以在場加功之李潮選在保匪鍊身死與共毆案
內餘人監斃在獄者無異將余登賢比依共毆案內
下手應擬絞抵人犯遇有餘人到官以後未結之前
監斃在獄准其抵命之例於擅殺罪人絞罪上減等
擬流等因具題經本部以毆有致死重傷之餘人監
斃在獄准將應擬絞抵人犯減流之例係指共毆斃
命者而言若案關謀殺向無加功從犯到官病故准
將造意首犯減等問擬之條擅殺雖無論謀故然究

係有心欲殺與共毆之案情節不同駁令該督另行
妥擬去後茲據該督咨稱例載共毆案內下手應擬
絞抵人犯遇有餘人監斃在獄將下手應絞之人減
等擬流原係專指共毆斃命者而言而擅殺之案准
減與否例無明文第共毆案內餘人如係金刃兇器
以及毆有成廢成篤各傷仍應照各本律本例問擬
軍流徒罪至擅殺案內餘人無論謀殺加功及刃傷
折傷以上並兇器傷人例止照共毆餘人問擬滿杖
且秋審時共毆間有入實而擅殺斷無入實之理則

扣殺之輕於共毆相去奚啻什百讞獄者比較案情
推廣例意將扣殺姦盜罪人各家亦有比例減等問
擬如嘉慶十九年安縣民陳柱主令紹信祿活埋圖
姦罪人王世熊身死因醫同加功之紹信祿保店病
故將陳柱減等擬流似可按照定斷等因咨部查其
毆案內下手應擬絞抵人犯遇有餘人監斃在獄准
其減等之例因監斃之餘人亦有致死重傷正兇方
准減流若正兇傷重餘人傷輕卽不得概行減等原
以餘人與正兇均有致死重傷其果因何傷致死尙

屬介在疑似餘人既經監斃在獄一命已有一抵自
可援罪疑惟輕之義將正兇量從寬減至有心致死
之案餘人雖下手加功而既有造意首禍之人其致
死之由已屬確鑿與共毆案內正餘各犯俱有致命
重傷而致死之傷介在疑似若情節迴殊豈得相提
並論若謂擅殺輕於共毆應推廣例意將擅殺各案
與共毆之案一例減等不知罪名本有不同例意各
有所指共毆案內正兇減等之例自係因毆有重傷
之餘人在監致斃而設傷本可疑故罪從末減擅殺

中之共毆可以一例問擬擅殺中之謀故自難率行
牽引並非謂擅殺輕於共毆遂一概比例減等也至
該督援引陳杜活埋圖姦罪人一案雖與此案畧同
究係未經通行之案未便援以為據所有余登賢一
犯應令該督仍遵照本部前行按例妥擬具題

道光十五年說帖十六年十二月遵駁將余登賢
擬絞題結

被搶奪而擅殺
另犯死罪之賊

江蘇司 查律載罪人已就拘執而擅殺者以圖殺

論又圖殺者絞監候又道光十年本部駁復直隸省

劉起通行載卷
二十一

劉起案內聲明嗣後捕賊之案但經倒地及已就拘

執登毆致斃毋論傷痕先後輕重卽應依律擬絞不得照登時毆打致死之例擬徒又十二年議殺四川省審擬王啟盈毆傷張正年身死案內聲明嗣後應捕之人擅殺應死罪人俱著按照罪人本犯應死而擅殺律盡一辦理等因各通行在案此案徐萃起因王泳搶奪伊船上衣包徐萃起喊同船夥蔡鳳雲追捕徐萃起用刀戳傷王泳左右眼胞等處蔡鳳雲接過徐萃起刀子戳傷王泳左腿肚等處倒地蔡鳳雲又用刀戳傷王泳左右腿左膝因傷殞命該撫以王

泳本係行劫搜賊逸盜應擬斬決之見在逃復行強
搶徐萃起衣包蔡淵雲係事主船夥有應捕之責在
時追捕急激致死似可照擅殺應死罪人問擬惟王
泳係另案盜犯若僅就本案搶奪而論蔡淵雲業將
王泳截傷倒地復疊截致斃應照已就拘執而擅殺
律擬絞但王泳究屬應死罪人如將蔡淵雲擬以抵
償似覺情輕法重恐援引失當咨請部示查應捕之
人擅殺應死罪人擬杖之例係指殺死本案罪犯應
死之罪人而言若被殺之人本案罪不至死而另犯

應死罪名自應仍就本案分別科以擅殺之罪不得
概擬滿杖致與例意不符今蔡瀨雲因王泳搶奪徐
萃起衣包將王泳捕殺身死查王泳搶奪徐萃起船
上衣物罪應擬徒該犯蔡瀨雲係徐萃起船夥有應
捕之責王泳於被殺倒地後該犯復將其屍戮致斃
應照罪人已就拘執而擅殺律問擬絞候候其王泳另
犯聽從行劫過船搜賊雖係應死罪人究與本案無
涉卽不得以此輕蔡瀨雲之罪應令該撫按律妥擬

具題

道光十五年說帖

主搜賊毆死
不賊拒捕之賊

江蘇司 查例載事主因賊犯黑夜或白日偷竊財
物登時追捕毆打至死者不問是否已離盜所捕者
人數多寡賊犯已未得財俱杖一百徒三年若事後
毆打致死者照擅殺罪人律擬絞監候等語此案高
麥德因朱添傳黃夜至伊家拉開廬簾竊去布袋盛
貯糙米因袋有破洞沿途遺有米粒次日高麥德之
妻高蔡氏跟尋至朱添傳舍內查獲米袋攜出朱添
傳趕上扭奪將高蔡氏推跌掙取米袋欲走高麥德
看見氣忿順拾木柴趕毆朱添傳臍肚殞命該撫以

高麥德既與被竊登時追捕毆打至死者不同而朱添傳事後將高蔡氏推跌並未持械高麥德拾柴毆傷亦與格殺者有間若照事後毆打致死之例擬絞兇由死者逞兇拒捕似覺情輕法重例無治罪明文罪關生死出入咨請部示本部查朱添傳夤夜竊得事主高麥德糙米經高麥德之妻高蔡氏於次日跟踪前往搜賊固屬事後搜捕惟朱添傳於高蔡氏搜獲原贓攜走之時復敢上前扭奪贓物並逞兇將氏推跌衡情實與搶奪拒捕無異事主高麥德目擊兇

徒手拒捕情太
兇橫倉卒格斃

暴情形將其毆傷身死不得謂非登時向來登時毆
死搶奪罪人卽照登時毆死竊賊之例擬徒自可援
照辦理所有高麥德毆死朱添傳一案應令該撫作
速按例妥擬咨部

道光十四年說帖

湖廣司 查律載罪人持仗拒捕其捕者格殺之勿
論等語原以罪人持仗拒捕勢惡情兇捕者倉卒抵
格止圖防護已身不期適傷罪人致死故原情予以
勿論至格殺徒手拒捕之罪人雖與格殺持仗拒捕
之罪人不同然向來亦有因死者情太兇橫捕者勢

非得已倉卒抵禦適傷致斃量予比照定擬者全在
承審各官就案情之輕重斟酌辦理自可無虞枉縱
茲據該撫咨稱南省現有捕人被罪人按倒騎壓搭
住咽喉情急格斃之案可否照罪人持仗拒捕格殺
之律予以勿論咨請部示查捕人擅殺不拒捕罪人
律應擬絞其格殺持仗拒捕之罪人律得勿論罪名
出入懸殊自應詳覆案情分別問擬方足以成信讞
乃該撫並不將全案情節詳細聲明僅舉數語咨
請部示本部豈能懸揣定斷况律無明文之案名例

互扭同跌落水
捕者幸而得生

內原有此附定擬之條司諷者儘可援照辦理詳咨
本部再行覈覆者必俟請示後始行定斷則是本部
自擬自覈殊非政體至該撫所稱罪人與捕者互扭
同跌落水捕人幸而不死罪人跌溺斃命之案可否
照格殺勿論之律辦理等語查因逃走捕者逐而殺
之律得勿論今罪人與捕者互扭同跌落水捕人幸
而得生在捕人意在捉拏並無毆打之心其跌溺致
斃實非意料所及自可比律予以勿論相應咨覆該
撫查照

道光十三年說帖

獄囚脫監及反獄在逃

強盜越獄邀令同逃不允之犯

廣西撫 奏盜犯陳亞平等同監犯越獄登時挈獲
案內之許濟川係起意行劫審擬斬決之犯先經陳
亞平等邀令同逃不允並向阻止嗣陳亞平等扯斷鎖
鑰逸出籠外該犯知覺卽行聲喊俾得登時全數擒
獲數與自行投首之犯供出越獄同夥於半年內盡
行挈獲者尤知守法自應此例減擬以示矜全將許
濟川比照同夥越獄有一人投首供出同夥於半年
內盡行挈獲將自行投首之犯照原罪減一等例減

烟瘴軍犯聽從
越獄脫逃

發雲貴兩廣極邊烟瘴充軍

道光十二年案。卷五
十七有案記參覈

浙撫奏方正揚因竊擬軍在配脫逃被獲應發極
邊烟瘴充軍乃於囚禁在獄輒敢聽從斬犯余咸齡
越獄同逃若僅依本例改發烟瘴充軍覈與原犯罪
名毫無區別應將方正揚酌發新疆給官兵爲奴

道光十二年案

宗室擬絞監禁
私自出獄投回

奉天司 准宗人府片稱發遣吉林擬絞絞決之宗
室誠明私行出獄三次應否將該宗室入於秋審情
實抑或入於緩決相應片行刑部查明應如何辦理
若仍入於緩決題本內應否敘入等因查該宗室誠
明係問擬絞候入於秋審緩決之犯其屢次告假出
獄卽與越獄無異惟該宗室一聞查訊卽回至監所
係屬自行投首按一人越獄半年內自行投首仍照
原擬罪名完結之例應免其越獄之罪將該宗室誠
明仍照原擬入於緩決嚴行鎖錮仍由宗人府於緩

決題本內照例聲敘除另文行知外相應片覆宗人
府查照辦理
道光十四年說帖○另文錄後

此載名例犯罪
自首條

查例載罪囚僅止一二人犯乘間脫逃應入緩決者
人於秋審情實又一人越獄半年內自行投首者仍
照原擬罪名完結各等語此案宗室誠明因搶奪依
薩佈家衣物審照棍徒擾害例擬軍奏發吉林管束
在配砍傷牟海林被獲監禁旋牟海林亦因行竊被
獲與該宗室同監羈禁因牟海林用言向該宗室談
謂該宗室用木柴將牟海林毆傷身死依律擬以絞

候奏結入於秋審緩決在案嗣該宗室因缺之盤費
去履向值班官兵乞假先後出獄三次經刑司佐領
赴監查知誠明並未在監詢悉前情誠明聞知當即
回至監所該將軍以可否將該宗室照罪囚僅止一
二人乘間脫逃例原犯緩決入於秋審情實抑或
其自行投歸仍照原擬絞監候入於秋審緩決之處
聽候部示等因查該宗室誠明係間擬絞候入於秋
審緩決之犯其屢次向值班官兵告假出獄即與越
獄無異惟該宗室一聞查訊即回至監所係屬自行

投首按一人越獄自行投首之例應免其越獄之罪
仍照原擬罪名完結應令該將軍將該宗室誠明仍
照原擬人於緩決嚴行鎮銅無許復行滋事

瘋病殺人監禁
之犯越獄脫逃

湖廣司 該撫奏稱朱林倡係因瘋砍傷朱小思身
死照闖殺律擬絞監候秋審緩決八次恭逢道光十
一年正月十二日

恩旨查辦死罪人犯以其瘋病殺人應再監禁五年查看
瘋病不復舉發再行覈辦查尋常闖殺問擬絞候人
犯緩決三次卽邀

恩減流復恭逢

恩旨並可累減該犯朱林倡自入道光五年秋審以後八
年十年兩次查辦減等恭逢十一年

恩旨若非因瘋殺人永遠監禁業經累減早出囹圄今越獄脫逃自未便援照尋常緩決絞犯之例加擬情實惟通查律例並無作何治罪明文似應比例定擬朱林倡應請比照瘋病殺人擬絞緩決人犯監禁五年後不復舉發遇有親老丁單題請留養倘釋放後復行滋事仍永遠監禁不准再予釋放例永遠監禁卽或病痊不准再予釋放等語查朱林倡係因瘋殺人照關殺律擬絞恭逢

恩旨奏准俟監禁五年後查辦減等之犯與尋常緩決人

絞犯在監肆鬧
拒捕刃傷兵役

犯不同今於監禁後年限未滿之時越獄脫逃自未
便照尋常緩決人犯一例收擬情實惟例無作何治
罪明文既據該撫酌擬永遠監禁應如所奏辦理朱
林倡應仍照原犯罪名擬絞監候永遠監禁卽或病
痊不准釋放 道光十三年說帖

江西司 吞監禁絞犯葉高升因禁卒吳興索詐監
犯劉思咏之妻許氏酒錢不遂不允進監探視該犯
輒藉稱不平始則毆罵不服約束繼則扭斷刑具並
將同監人犯胡標仿刑具代爲扭脫逼令它取地磚

廣督奉斬犯越
獄管獄官先期
病故有獄官雖
先期委赴隣縣
勘案公出其干
目不能防範實
屬玩視監獄應
將開平縣革職
留緝道光十八
年二月卅抄

三
欲將門堵塞該犯復拒捕刃傷兵丁差役例無治罪
專條將葉高升比照斬絞人犯在監年久自號牢頭
挾制同囚兇惡顯著者照死罪人犯在監行兇致死
人命依原犯罪名擬以立決例於原犯絞監候罪上
加擬絞立決胡標仍並非自扭刑具其幫同空磚塞
門亦由被追所致尚與爲從不同應照不應重律杖
八十禁卒張貴於監內菜刀不行收藏致葉高升持
刀傷人應照獄卒以金刃與囚傷人律擬杖六十徒
一年
道光九年案

罪囚自號牢頭
非刑陵虐索詐

直隸司 查例載斬絞人犯如有在監年久自號牢
頭恣意陵虐兇惡顯著者審實依原犯罪名擬以立
決又在監斬絞人犯如有強橫不法杖一百仍嚴加
鎖鑰俟秋審分別定擬各等語此案梁三先因強姦
幼女已成擬斬監候人實恭逢

恩詔改人緩決童三係毆斃人命擬絞未人秋審之犯童
三與同監囚犯張二在監自號牢頭梁三與劉六稱
爲鎖頭童三因從前牢頭出息甚多今自革放堂錢
以後卽挑子鋪錢亦無人肯出與張二等商謀訛錢

之法梁三聲稱伊初進監時曾聞舊時牢頭有拋三折二人轎等名目用此方法何慮監犯不給錢文童三卽起意照此嚇詐梁三等允從將新犯張斌等二十六名胡法磨折共訛得京錢九百餘千童三等與舊禁各犯並禁卒等分用該督以童三起意商同梁三等設立禁三折各項名目訛索囚犯錢文皆梁三教令所致實爲同惡相濟應均依原犯罪名擬以斬決第事究由童三起意例內並無不分首從明文若概擬駢誅似與例意不符若僅將造意爲首之童三

問擬立決其教令設立非刑之梁三爲從減等問擬
又恐失之輕縱可否將梁三童三均擬立決之處咨
請部示查斬絞人犯在監嚇詐財物照原犯罪名擬
以立決之例係專指自號牢頭者而言若並非自號
牢頭卽不得概行牽引今絞犯童三私稱牢頭訛索
囚犯錢文自應依例照原犯罪名擬以立決至緩決
斬犯梁三雖經私稱鎖頭幫同訛索惟鎖頭究與牢
頭不同而訛索又係童三起意核與自號牢頭嚇詐
財物之例不符卽謂其教令童三設立種種非刑名

目實屬濟惡未便寬縱亦只可照監犯強橫不法例
嚴加鎖錄酌量改擬情實趕入本年秋審辦理已足
以昭懲創所有該督聲請將梁三一併擬以立決之
處應毋庸議

道光十四年說帖。原案錄後

直隸司 道光十四年六月初六日奉

上諭琦善奏監犯嚇詐同囚陵虐受賊分別定擬一摺此
案直隸通州監犯童三因毆斃人命審擬絞監候監禁
應敢在監號充牢頭私開鎖鑰訛索錢文商同監犯梁
二三設立班三折等項非刑名日屢次將同囚張誠等公

意陵虐嚇詐多賊實屬兇惡顯著梁三係強姦幼女已
成擬斬秋審入實題赦改緩監候之犯該犯自稱鎖頭
囚童三向其商謀詛索同囚輒授以磨折之方幫同虐
詐雖詛索係童三起意究由該犯教令童三設立種種
非刑厥罪難均童三卽童帽後著照該督原擬絞決卽
行絞決梁三卽小梁三該督原擬將該犯依原犯斬罪
趕入本年秋審情實將來秋審時亦必予勾梁三著改
爲斬立決餘著刑部議奏欽此據該督奏稱緣童三張
二係共毆郭二身死犯案童三依共毆人致死律擬

卷十五 刑律捕亡

兇
獄因脫監及反
獄在逃

絞監候張二依見器傷人例發近邊充軍甫准部覆
尙未彙入秋審並定地發配之犯梁三係強姦張沛
幼女多姐已成犯案番依強姦十二歲以下幼女例
擬斬監候彙入秋審情實恭逢嘉慶二十五年八月
二十七日

恩詔奏明改入緩決十三次之犯劉六係共毆梁二身死
擬絞彙入秋審緩決二次之犯該州監內係分前後
兩院管獄吏目因恐禁卒防備難周向於命案人犯
選擇二名派令隨同管束該犯等遂私稱為牢頭如

牢頭發配出獄另派監犯接充並派家丁一人在獄
神廟住宿防範牢頭復私派囚犯二名幫同照料亦
私利爲錮頭如監犯給與錢文將其錮鎖私開所得
錢文名爲挑子錢係鎖頭二人分用如監犯欲睡寬
牀亦花給錢文名爲鋪錢係牢頭二人分用又新案
人犯初次到監如果家道富裕同囚均欲索鎖名爲
放堂錢係監犯與禁卒等分用又外州縣解審人犯
發羈州監解役亦給京錢一千數百及二千文名爲
使費係牢頭錮頭及已入秋審人犯與禁卒均分情

弊相沿已非一日梁三因係舊情犯案不准充當牢頭迨道光七年間始與董五接充鎖頭至十二年間劉六董和尙充當年頭時董五業已發配僅止梁三一人獨當鎖頭是年六月間梁三因與劉六董和尙向吸食鴉片烟人犯杜方沽案得放堂錢文被張秉恒京控提省審辦梁三等供認分受杜方沽錢文未敢供出牢頭鎖頭並各項得錢名色當將梁三劉六董和尙依斬絞人犯強橫不法例發回該州杖責嚴加鎖鑰並將放堂錢文革除另派同因劉泳伶張泳

和管束衆囚劉咏伶等仰私派梁三劉六爲鎖頭十三年三月間張咏和劉咏伶先後發配經吏目令童

三張二按管童三遂與張二私充牢頭嗣童三與張

二劉六閒談童三因問從前牢頭出息甚多自禁革

放堂錢文以後卽挑子鋪亦俱無人肯出貧苦難度

希圖索詐使費卽向梁三等商謀梁三憶及進監時

曾聞傳言不記何年有魏姓子充當牢頭管束監犯

甚嚴如遇犯人滋事並瘋犯不服管束用鐵鍊一條

將其項頸鎖住兩腿盤起將鍊頭從腿裡穿過仍復

回繞項後用篋子穿入鍊圈將鍊頭拴住使其不能
站立名為騎馬鍊後復有人因騎馬鍊過鬆仍照前
法將鎖鍊由項頸兩腿多繞數道用力拉緊使其頭
向下脚向上氣逼難受改名塊三折並有二人轎名
目係用木槓一根穿入監犯手鐐脚鐐兩人擡起木
槓擱在懸空處所使其手脚疼痛又有三面牆名目
係冬天不許人見日光夏天令人曝曬受熱後有將
監犯所帶手鐐鐵圈砸小釘住緊喫空間名為喫肉
小鐐遂聲言若用此等方法何處監犯不給錢文竄

三卽起意照此陵虐同囚訛錢分川梁三張二劉大均各允從童三恐被禁卒並管獄家人等查知不依復與梁三等議將訛得錢文分開成數牢頭先提一成作為鋪錢鎖頭亦提一成作為挑子錢分給管獄家人蘇榮一成再給在監外巡防並跟隨吏目迎監收封之皂役張啟興等及已入秋審囚犯董和尚等並禁卒頭役尹二等按股分用意為各人有利可圖永遠不致敗露並言如此外另有挑子鋪錢仍照舊章歸牢頭鎖頭自用隨陸續向各案人犯張斌等訛

詐得京錢自一二十吊至一百二十吊不等如不給
錢卽任意陵虐統計童三等陵虐過監犯二十九名
共訛詐京錢九百八十餘千內童三實得京錢二百
二十二吊梁三一一百零三吊張三二百十五吊劉六
七十三吊其餘錢文均係童三交與禁卒人等分用
旋經臣訪聞密飭通永道督同該州等就近確查摘
提犯證解省審訊因罪關出入咨准部示將童三依
原犯絞候擬以絞立決梁三原犯斬罪擬入本年秋
審改爲情實絞犯劉六依例酌擬在監枷責嚴加鎖

鑄秋審仍入緩決俟減等時酌加罰發張二等擬以
軍流徒杖等因具奏除童三梁三業經欽奉

諭旨照原擬絞斬罪名正法毋庸議外此案劉六係緩決
絞犯前因向杜方沾求索錢文擬杖嚴加鎖鑰乃復
私與鎖頭隨同童三等陵虐同囚詐縱分用並開場
聚賭亦屬不法惟該犯究係聽從主使並未起意陵
虐與首犯罪狀迥殊例無私充鎖頭聽從陵虐嚇詐
作何治罪明文自應酌量定擬應如該督所奏劉六
應於在監斬絞人犯強橫不法及賭博等事杖一百

嚴加鎖鑰例上酌擬先在監內用重枷枷號三個月

滿日杖一百仍嚴加鎖鑰歸於本年秋審緩決俟將

來減等時再行酌加調發張二係兇器傷人罪止近

邊充軍尙才論決自應從重科以後犯之罪亦應如

所奏張二應照兇惡棍徒無故擾害例發極邊足四

千里充軍尹二身充禁卒於童三等陵虐詐財賭博

滋事並不稟官禁阻輒因貪圖分贓明知故縱並囑

散役任大等隨同隱匿殊屬廢法營私茲依得受枉

法贓十兩以上罪止擬杖卅依禁卒故縱監犯賭博

禁卒故縱監犯
賭博

例亦止擬徒尙覺輕縱尹士應於監犯強橫不法及賭博等事知情故縱之禁卒杖一百徒三年例上酌加一等杖一百流二千里散役任大楊入聽從尹二之言徇隱分贓卽屬爲從均應於尹二流罪上減一等杖一百徒三年家丁蘇榮奉派在監值宿旣不禁阻童三等私開刑具旋復收受贓錢雖未串謀嚇詐亦屬枉法徇私應與不知陵虐情由分受童三等詎得錢文之衙役張啟興等均按枉法贓定擬蘇榮依枉法贓一十兩杖九十無祿人減一等律應杖八十

張啟興依枉法贓一兩至五兩杖八十無祿人減一
等律應杖七十該縣丁役於上年詐贓該事甫經懲
辦之後復敢受贓情殊藐玩應各加枷號一個月示
儆董和尙前次求索杜方沾放堂錢文杖責鎖錦業
已發落此次復分得童三等給與贓錢訊無隨同陵
虐嚇詐卽其前充牢頭亦無不法別情惟與童三等
在監聚賭究屬玩法該犯原犯絞罪雖已減等惟尙
未提禁卽屬戴罪在身董和尙應與在監同賭又復
分用贓錢之絞犯張懷玉均合依在監斬絞人犯如

有賭博等事杖一百仍嚴加鎖鑊軍流等犯有犯亦照此問擬例應各杖一百仍嚴加鎖鑊李青等雖均係斬絞人犯惟訊止分受贓錢並無強橫不法之事未便概擬鎖鑊滿杖例無知人恐嚇取財事後分贓治罪專條應俱比照知竊盜後而分贓准竊盜爲從論計贓照律各杖六十家丁趙二訊無知情分贓惟失於覺察應照不應輕律笞四十尹二任大親老丁單確查詳辦通州監內一切陋規及牢頭鎖頭名色概行嚴禁不准再派監犯管束獄囚以杜流弊失察

之各該管官雖經隨同通永道審出賄情究屬失察
於前應咨吏部辦理 七月奉准

道光十四年六月初六日奉

嚴禁監犯私充
牢頭嚇詐同囚

上諭本日據琦善奏審擬監犯嚇詐同囚陵虐受賄一案
已降旨將該犯童三等立正典刑矣地方設立監獄原
以羈禁罪囚毋令滋事至一切刑具本有一定豈容年
久監犯私立牢頭鎖頭名目造作非刑任意陵虐藉以
訛索錢文難保非禁卒人等勾通援意夥詐分贓種種
弊端總由有獄管獄各官漫不經心玩視監獄所致國

家刑章之設以懲有罪果有情重罪非常原不得稍事姑容若似此縱容兇惡罪犯陵虐同囚是各犯既受法中之罪又罹法外之刑該地方官所司何事乃竟毫無覺察一至於此直隸如此想他省亦有所不免著各直省督撫府尹等嚴飭所屬各府州縣等官認真稽查倘有前項弊端立即將禁卒人等從重懲辦毋稍徇縱至失察處分果由各該地方官自行查出隨時究辦尙可加恩量爲寬減如平日漫無覺察以致禁卒罪囚人等膽敢創立非刑恣意嚇詐一經發覺定將該地方官重治

其罪並將該管各上司從嚴懲處決不寬貸勿謂告誡
之不早也特此通諭知之欽此

通行

禁卒將凌遲犯
婦竊放同逃

北撫 秦吳游氏因與柯小九通姦謀殺木夫吳紹
五身死依律凌遲處死勘題寄禁縣監聽候部覆之
犯婦華魁曾充縣監禁卒吳游氏於未定案時提訊
係女監伴婦李王氏於厥內將吳游氏引出交華魁
轉引出監交差帶審吳游氏同華魁走至厥外空院
問知華魁姓名年歲未娶妻室因知身罹重罪起意
越獄見華魁年輕可誘乘無人在旁向華魁哭求

法救脫情願相依終身華魁見其少艾圖娶爲妻卽
行應允迨後案經審明吳游氏不復提審華魁亦未

見面華魁因思身係官役若與吳游氏同逃易於敗
露不如退卯出外方可掩跡遂卽稟退在外居住常
於夜間潛至監牆外探望見有獄洞一個係罪囚監
斃昇出之洞用木板關閉可以鑽乞進監引吳游氏
逃出嗣非夜俟更夫人等睡熟空洞進內將吳游氏
引出扭斷縛鎖正欲遠逸經更夫王太等查見牆洞
喊同禁卒余英伴婦李王氏查點吳游氏不見稟知
該典史帶同丁役更夫追捕登時將吳游氏華魁一
併拿獲將吳游氏依犯罪囚禁在獄穿穴踰牆脫逃

原犯立決卽行正法例邦赴市曹凌遲處死華魁先充禁卒將凌遲犯婦設法收脫竊放囚人惟查竊放囚人逃走至死減等罪止滿流尙屬輕縱應從重比照越獄人犯通線之人與囚同罪至死擬絞例擬絞監候禁卒余英訊無賄縱情弊犯係他人捕獲應減囚罪二等治罪件婦李王氏係專令伴守女犯之人亦應照獄卒問擬余英李王氏均依監犯越獄獄卒一時疎忽依律減囚罪二等例各杖一百徒三年防兵錢金榜更夫王太等隨同典史將犯捕獲惟

疎於防範未便寬議均照不應重律杖八十加枷號
兩個月革役管獄有獄各官聽候部議
追光十六年
案

司獄失察斬婦
與禁卒通姦

協緝年滿丁憂
准其回籍充徒

北撫 咨司獄黃保失察罪應斬決犯婦與禁卒通
姦懷孕應比照斬絞重犯減獄脫逃限內緝獲管獄
官改爲革職留任例革職留任四年無過再行題請
開復 道光六年案

貴撫 咨監犯艾隴等越獄脫逃前將府經歷謝寶
樹革職協緝五年限滿定地充徒奏准在案茲該革
員於協緝限內聞訃丁憂例應給假回籍而接奉行
知適值協緝年限已滿將來假滿之日卽應充徒可
否將謝寶樹比照民人流寓京外犯該徒罪有應追

罪獄在逃

銀兩將該犯解回原籍俟追交後照應配地方發配
之例咨明原籍卽在該省照擬發配咨請部示經本
部照擬覈准 道光八年業

徒流人逃

命盜案毋許延擱並嚴拏逃軍

道光十六年四月二十一日奉

上諭鴻臚寺卿黃爵茲奏請查兗州縣積弊命盜一摺州

縣為親民之官於可盜重案務獲正兇按律懲辦方足

以服民心而伸國法若如所奏近年以來命盜大案層

見疊出除京控各案外其未及上陳狡展稽遲者每省

或多至千餘少亦數百率及多人拖累多載命案則百

計宕延盜案則公然賣放尙復成何事體其各省州縣

逃軍擾害地方勾通差役結連匪黨關係命盜案件尤

五年雲南司通行

請增刑案匯覽

卷十五 刑律捕亡

率 徒流人逃

軍流遣犯在配
脫逃嚴行查究

爲緊要著各省督撫嚴查遇有命盜之案必先明查暗訪如所屬州縣得賊縱兇飾詞延擱卽據實奏參其逃軍人犯除加等治罪外配所及本籍印官疎縱容留亦著分別叅處庶命盜理而刑政肅吏治日有起色矣將此通諭知之欽此 通行

道光十六年六月初十日奉

上諭御史黃仲容奏軍流人犯在配脫逃請飭認真管束一摺各省軍流發遣人犯交地方官嚴加管束按時查點立法本爲周密本年四月因黃爵滋條奏曾經降旨

赦前脫逃之盜
犯自行投回

通諭各督撫遇有逃軍案件即將配所及本籍印官疎
縱容留分別叅處近來軍流人犯由配所逃回原籍復
行犯案者甚多並有捏報病故情弊此等發配人犯由
本籍註明犯罪事由遞解配所原屬法所難寬似此任
意脫逃王法竟成虛設著直省督撫督飭所屬州縣官
嚴行管束如有脫逃滋事一經破案卽查明配所逃回
年月並歷任官員職名有無朦詳捏報之處分別從嚴
叅處以肅法紀而杜奸萌欽此 通行

安徽司、各逃還劉大關自行投回一案查嘉慶二

十五年八月二十七日恭逢

恩詔經本部酌議直省免死盜犯凡脫逃在

恩詔以後因係例得釋免之犯卽屬無罪之人准予免緝
如脫逃在

恩詔以前係屬帶罪脫逃被獲時止准免其正法仍發原
配等因通行在案此案劉大闢先因行劫免死發遣
吉林爲奴並非閩粵等省免死盜犯其

赦前犯事原在准免之列今逃未

恩詔以前係帶罪脫逃而自行投回究與被獲者不同且

發遣盜犯在配脫逃投回例有從寬免死仍發原配
明文該犯逃後恭逢

恩詔自行投回若祇免其正海仍發原配殊與前議章程
內被獲之犯及例或不經遇

赦投回之犯漫無區別應將劉大關准其免罪釋放

道光六年案

減徒之犯竊取
公文自行投到

安徽司 咨減徒人犯魏統汶行至中途將公文竊

取逃回原籍赴縣投到核與無故脫逃者有間惟竊

取公文捏供係縣役令其自行投案亦屬不合應照

不應重律杖八十遞籍充徒

道光十四年案

准減徒犯未奉
部覆在配脫逃

廣東撫

咨譚亞勝因毆死何信擬絞減流發配該

犯恭逢

恩旨係在應准減徒之列茲在配脫逃被獲應比照徒犯

脫逃例問擬將譚亞勝照徒犯中途脫逃被獲例原

犯徒三年者加為總徒四年杖一百

道光十二年案

看役疎防柳犯
帶柳脫逃

廣東司

審辦王鳳鳴原犯賭博擬杖一百柳號兩

個月發坊看守該犯因官給口糧不敷哀求坊官仿

令看役王升帶同我尋親友借貸行至天橋地方王

疎脫接遞軍犯
七名

升路遇蔡姓邀往酒舖說話該犯乘間帶枷逃遁嗣
王升於限內協同坊役將王鳳鳴挈獲訊無賄縱情
弊應照律免罪仍革役枷犯王鳳鳴帶枷脫逃例無
明文應照原擬從新枷號兩個月杖一百其枷過日
期不准除算

道光八年案

貴撫 奏接遞軍犯丁沅保等七名中途脫逃一案
查解役楊成淋等訊無賄縱情弊惟疎脫至七名之
多應依押解人不覺失囚一名杖六十每一名加二
等罪止杖一百律擬杖一百再加枷號一個月

道光十四年案

解役疎脫逃籍
無罪人犯

安撫 咨遞籍人犯沙二麻中途脫逃一案查沙二
麻既據該撫訊非拏志遠被判案內夥盜止係遞籍
保釋之犯不特與應行發落之犯不同亦與應行管
束者有間自應毋庸緝拿以省拖累解役樊仲等既
奉官押解並不小心防範致令脫逃究屬疎忽應照
押解人不覺失囚律擬杖惟係疎脫應行保釋之犯
與實在失囚者有間應免其革役
道光六年案

解役賄縱軍犯
脫逃

坊役受賄賄取
保人犯縱放

貴撫 咨解役李椿貴縱放起解軍犯楊老彭在途

脫逃旋被拏獲查李椿貴聽許銀兩故縱場者彭脫

逃應與同罪惟所許銀兩尚未入手係屬虛贖應比

照官吏聽許財物未接受減得財一等律於楊老彭

軍罪土減一等擬以滿徒道光十四年案○按律文及律註似難呈減記考

南城察院 奏取保人犯范其芬並原差姚祥保人

李丹桂通同逃匿一案查姚祥充當捕役輒聽受賄

囑將取保人犯縱放出京實屬枉法雖係口許虛贖

應仍按枉法贖二十兩杖六十徒一年無祿人減一

等賊未入手又減一等應杖九十該犯藐法營私酌
加枷號一個月革役

道光十四年貴州司案

烟瘴逃軍例右
加號毋庸再加

河撫 咨 竊獲逃軍閻添貞一案查名例律載二罪
俱發以重論又例載充軍常犯至配後如有脫逃其
本犯極邊烟瘴脫逃者仍改發雲貴兩廣極邊烟瘴
充軍到配加枷號三個月各等語此案閻添貞先因
行竊被獲自割髮辮誤傷事主平復擬軍發廣東曲
江縣安置在配脫逃被獲該撫將該犯依充軍常犯
極邊烟瘴脫逃例仍改發雲貴兩廣極邊烟瘴充軍
到配加枷號三個月係初次脫逃應加枷號一個月
共枷號四個月等因咨部本部查充軍人犯脫逃初

次枷號一個月二次枷號兩個月係指附近近邊邊
遠等項軍犯而言至極邊烟瘴軍犯脫逃原例應改
發新營當差並無加枷之例嗣因道光六年調劑新
疆遣犯改爲仍發原配加枷號三個月亦無於枷號
三個月之外復加枷號一個月明文今開添貞係極
邊烟瘴人犯在配脫逃自應照例擬以仍發原配加
枷號三個月該撫將開添貞於枷號三個月之外復
照軍犯初次脫逃之例再加枷號一個月係屬錯誤
應卽更正開添貞應照極邊烟瘴軍犯脫逃例仍發

逃軍私毀刺字
毋庸另加枷號

雲貴兩廣極邊烟瘴充軍到配加枷號三個月再查
軍犯脫逃多有將刺字銷毀者按二罪俱發以重論
之例自應從重照逃軍例枷號調發其銷毀刺字係
在輕罪不議之列乃該省向來辦理此等案件往往
於枷號調發本罪外復科以銷毀刺字枷號之罪亦
屬錯謬恐各省亦有誤會者相應通行各省嗣後逃
軍被獲如於加等調發枷號之外復有銷毀刺字等
罪應行枷號者俱聲明係屬輕罪不議以昭畫一而
免歧誤道光十四年通行

免死減發極邊
在配初次脫逃

直督 咨聖獲逃軍王九得一案查該犯原犯係實
犯死罪例內並無免死減發極邊充軍人犯初次脫
逃作何調發明文惟原發極邊二次脫逃事同一律
應將王九得比照免死減軍人犯在配脫逃初次調
發極邊二次枷號三個月調發極邊烟瘴充軍例仍
照名例以極邊足四千里為限 道光十年案

命案減流在配
脫逃另犯搶奪

廣東撫 咨周亞幅先因毆死人命擬絞減流在配

逃回復搶奪三次計贓均止一十兩按例罪應擬徒

惟免死減流人犯在逃犯搶創無辜條將周亞幅比

照免死減軍人犯在配脫逃復有為匪罪應徒者於

逃罪加等調發上再加一等例依免死減等流犯脫

逃被獲改發近邊充軍罪上加一等發邊遠充軍

道光十三年案

南撫 咨蔣聯枝因賭從結拜弟兄間擬滿流復糾

夥越獄脫逃被獲間擬絞候欽奉

援免絞罪擬流
之犯脫逃被獲

聲請減流之犯
脫逃被獲改發

單獲逃軍復又
中途脫逃

恩詔免其越獄絞罪仍照原犯罪名問擬滿流茲在配脫

逃被獲應比照免死減等流犯在配脫逃被獲例發

近邊充軍係初次脫逃加枷號一個月道光五年案

安徽司 咨單獲逃流董雙一案查董雙因扎傷惠

起奉正限外餘限內因傷身死擬絞聲請減流之犯

與秋審緩決免死減流無異應照免死減等流犯在

配脫逃被獲例改發近邊充軍枷號一個月道光七

浙撫 咨單獲逃軍不意尚未訊擬復又中途脫逃

未便照二次脫逃之例問擬應仍照烟瘴少輕人犯

逃徒被獲復在
保脫逃

軍犯因案傳訊
交差帶候脫逃

續增刑案匯覽

在配脫逃改發極邊州軍充軍面刺逃軍該犯中途

脫逃究屬玩法酌加枷號一個月

道光四年山東司案

蘇撫 咨王炳因病間擬滿徒在配脫逃被獲監禁

復因患病提禁該犯在保脫逃未便遽照犯罪逃走

加二等之律科斷惟該犯在配脫逃被獲已應仍發

原配從新拘役今在保復逃自應酌加間擬應比照

徒犯中途脫逃被獲於滿徒上加一等改為總徒四

年
道光九年案

北撫 咨傳瀛先本係在配軍犯今因案傳訊解縣

卷十五 刑律捕亡

要

徒流人犯

發遣爲奴犯婦
在配脫逃

交差帶候脫逃與在配脫逃無異將差役陳玉比照
軍犯在配脫逃看守之保甲逾限不獲一名例杖八
十道光十年四川司案

川督咨遣發湖北爲奴犯婦周彭氏因遣所貧苦
乘間脫逃被獲認係初次逃走例無專條應比照尋
常遣犯在配脫逃被獲五次以內遞回發遣處枷號
一個月鞭一百例遞回湖北原遣處爲奴係婦人枷
號鞭責仍照律收贖道光十四年案○應參看次件

批撫咨李羅氏係因伊翁縱姦敗露致翁愧悔自

巡軍成廢情重
不准收贖

盡發駐防官兵為奴謀誘婦在配脫逃被獲係婦女
與男犯不同毋庸加等罰發應仍發原配交原主嚴
加管束
道光五年案

河撫 岑黃十原犯係光州兇徒結夥逞兇發雲貴
兩廣極邊烟瘴充軍於解配中途脫逃被獲時持鎗
拒捕例應由逃罪上加拒捕罪二等該犯脫逃本罪
已應改發新疆無可復加應仍發雲貴兩廣極邊烟
瘴充軍加枷號三個月該犯左膝肋傷痕雖成廢疾
惟情節較重應不准收贖到配枷責安置

道光十一年案

蒙古偷馬烟瘴
道犯在押脫逃

此例載罪人拒
捕條

熱河都統 咨賊犯布彥烏達拉嘎偷竊大馬十四
匹按蒙古例應賞發烟瘴該犯復在押脫逃應行加
等應比照罪人事發在逃被獲時拒捕若犯該極邊
烟瘴者改發重賈兩廣極邊烟瘴加枷號三個月仍
交驛充當苦差 道光九年直隸司案

雖明知逃流
不首捕同拒捕

湖廣司 查高啟厚等案內之沈紹貴於高啟厚媒
說李黃氏背夫改嫁之時並未知情同謀惟高啟厚
自流配逃回原籍該犯沈紹貴係屬鄰居雖訊無高
留情事究屬知而不首按例罪應滿杖其因高啟厚
被縣役往單聽從拒捕自應於滿杖本罪上加等定
擬今該撫將沈紹貴照爲從減一等律於高啟厚軍
罪上減一等擬以滿徒係屬錯誤應卽更正沈紹貴
應改依犯罪拒捕於本罪上加二等律於逃回原籍
軍流人犯鄰保明知不首杖一百罪上加二等杖七

十徒一年半業已病故應毋庸議李黃氏事犯任道

光十四年十月十九日

恩詔以前係背夫改嫁有干名義所得沈罪應不准其投

免道光十四年說帖

逃軍逃流照例
加枷五軍決杖

湖廣司 呈河撫咨掣獲逃軍楊五一案又掣獲逃
軍胡小得一案又雲撫咨掣獲逃軍謝位詳一案該
司以楊五胡小得二犯係原犯流罪脫逃改軍復行
脫逃被獲應照脫逃次數併計加枷並以逃軍謝位
詳係由外遣改發軍犯到配毋庸折責繕具說帖呈
堂奉

諭交館等因職等查例載流罪人犯中途在配脫逃被
獲原犯流二千里者改爲流二千五百里原犯流二
千五百里者改爲流三千里初次枷號一個月二次

枷號兩個月三次枷號三個月照例改發又免死減
等流犯脫逃被獲者改發近邊充軍尋常流三千里
人犯脫逃被獲改發附近充軍各按照脫逃次數分
別枷號又充軍常犯至配脫逃係附近充軍者初次
枷號一個月調發近邊二次枷號兩個月調發邊遠
三次枷號三個月調發極邊烟瘴其本犯近邊邊遠
者各以次遞加調發各等語是軍犯與流犯在配脫
逃分別枷號調發定例各有專條引斷豈容牽混今
楊五胡小得二犯前次脫逃係在流配茲於改軍之

後復行脫逃自應按照軍犯初次脫逃例枷號調發
若謂其前次曾經脫逃應併計作爲二次是將軍犯
脫逃與流犯脫逃二條牽合爲一覈與定例不符況
軍流人犯脫逃枷號之例均至三次而止並無四次
以上作何加枷明文今將二例牽合爲一設遇有流
二千里人犯於三次脫逃改軍之後復行脫逃又將
何以處之至本部上年因河南省辦理烟瘴充軍人
犯脫逃枷號錯誤敷正通行與此等人犯並無干涉
該司議請併計枷號之處應毋庸議再外道到配不

決杖而五軍則例應決杖歷年由外遣改發內地充軍如積匪猾賊及竊賊數多罪應滿流之類不一而足一經改發內地卽屬軍犯向均照軍犯之例到配折責安置至例內問擬軍罪各條大半無杖一百字樣不獨軍犯脫逃一條爲然是以另有問擬五軍俱於引律出語內聲明至配所杖一百之通例司讞者自應遵稽定斷况軍犯未經到配中途脫逃係照軍犯在配脫逃之例辦理今若因例內未經聲明不予決杖則本應到配決杖之軍犯轉因脫逃調發得違

叛案被脅擬逃
脫逃毋庸正法

其備杖之罪殊不足以昭懲創所有逃軍楊五胡小
得謝位詳三案等查該等罪名均屬相符應請照覆
至該司辦理既屬兩歧應由該司隨時更正是否仍
候

約定後交司存記

道光十六年說帖

肅建司 查停發新疆改發內地人犯除未傷人首
盜聞擊投首等四項脫逃被獲應行正法外其餘謀
叛案內被脅入夥擬軍等項脫逃被獲俱不在正法
之列名例已有明文今張丙等滋事案內被脅入夥

免死盜犯在配
脫逃應行援赦

之犯俱係援照謀叛被脅入夥聞聲投首擬軍例酌
加一等定擬非例應正法者可比亦與實犯死罪免
死減軍人犯不同遇有滋事脫逃自可援照尋常軍
犯脫逃滋事各本例定擬道光十四年說帖
奉天司 查例敢免死發遣新疆盜犯如在配無故
脫逃已逾五日掣獲者請

旨卽行正法又尋常發遣人犯在配脫逃並無行兇爲匪
被獲送回發遣處枷號一個月鞭一百名等語又嘉
慶二十五年八月二十七日恭逢

恩詔惟閩粵三省盜犯不准查辦臣部因事犯究在

恩詔以前一經脫逃立予駢首有失平允是以酌議將三省免死發遣盜犯事犯在

恩詔以前於

赦後脫逃被獲者俱照尋常發遣人犯脫逃之例免其正法仍發原配分別次數照例枷責等因奏准通行各省遵照嗣道光九年九月二十五日欽奉

恩詔查辦奉天等處死罪人犯並將在奉天等處犯事僉發各省已經到配軍流人犯一體查辦臣等遇有在

奉天等處犯事兇發各處免死盜犯脫逃在

恩詔以前者俱仿照嘉慶二十五年奏准章程免其正法
照尋常逃遣例仍發原配分別次數枷責在案此案
白添幅先於道光六年聽從行劫蒙古帳房在外接
贓一次經

盛京刑部侍郎審依強盜免死發遣例發新疆給官兵
爲奴旋於九年七月初三日在配脫逃至十二年六
月被獲脫逃已逾五日按例固應卽行正法惟該犯
原案係在奉天犯事兇發其脫逃又在道光九年九

月二十五日

恩詔以前與未經遇

赦者不同自應援

赦免其正法仍依尋常遺犯脫逃例解回原配柳責該督

將該犯擬斬立決請

旨卽行正法是以曾經遇

赦之犯與未經遇

赦之犯一體科斷殊未允協罪關生死出入應令該督詳

細查明按例妥擬到日再議

道光十四年說帖

結拜為從姦軍
脫逃仍發烟瘴

湖廣司 查例載烟瘴少輕人犯在配脫逃改發極
邊烟瘴極邊烟瘴脫逃者仍改發雲貴兩廣極邊烟
瘴充軍加枷號三個月又名例內載改發雲貴兩廣
極邊烟瘴人犯仍照舊例發烟瘴外其本例應發
四省烟瘴地方充軍人犯均以極邊足四千里為限
分別刺字如有脫逃亦各照本例分別治罪又由烟
瘴改發極邊人犯面刺烟瘴改發四字各等語又嘉
慶十九年江蘇省以極邊足四千里人犯在配脫逃
卽當發烟瘴咨部請示本部查烟瘴少輕改發極

邊足四千里之犯脫逃被獲既非新疆改發之條又不在實發四省之列自應按照應發極邊烟瘴人犯仍以四千里爲限若謂仍發四千里轉似加等虛文不知枷號刺字易地調發卽屬加等且將來再有脫逃卽發遣新疆不得謂並無加等該撫請將四千里軍犯脫逃加等實發烟瘴之處應毋庸議各覆在案此案將幅慰因聽從龔大結盟依年少居首聚衆四十六以上爲從例發雲貴兩廣極邊烟瘴充軍定案時以四千里爲限發陝西省安置中途脫逃該撫將

轉幅愚依烟瘴少輕人犯脫逃例加枷號一箇月改發雲貴兩廣極邊烟瘴充軍仍以極邊足四千里爲限咨部經本部以該犯係例應改發雲貴兩廣極邊烟瘴之犯毋庸再限道里等因咨覆茲據該撫援引嘉慶十九年江蘇省請示之案並道光八年通行咨請部示本部查嘉慶十九年江蘇省請示案內議令仍以極邊足四千里爲限係專指本例應發極邊足四千里人犯在配脫逃而言若本例應發雲貴兩廣極邊烟瘴定案時以四千里爲限之犯係由烟瘴改

發與本例應發極邊足四千里人犯不同遇有脫逃
向係照極邊烟瘴脫逃例發新疆當差嗣於道光六
年調劑新疆遣犯案內將此等人犯改爲仍發雲貴
兩廣極邊烟瘴充軍加枷號三箇月例內業有明文
自應遵照辦理今蔣幅思一犯係由烟瘴改發極邊
足四千里定案時應而刺烟瘴改發字樣中途脫逃
自應照極邊烟瘴脫逃例定斷該撫將該犯枷號一
箇月改發極邊烟瘴充軍仍以足四千里爲限是以
極邊烟瘴軍犯脫逃牽引烟瘴少輕軍犯脫逃之例

係屬錯誤應卽更正蔣幅愚應改依極邊烟瘴軍犯
脫逃例仍發雲貴兩廣極邊烟瘴充軍加枷號三箇
月照例刺字到配係枷號滿日杖一百折責安置至
該撫所引本部道光八年通行係專爲

赦後復犯應加等治罪者而設與軍犯脫逃並無干涉相
應各覆該撫遵照 道光十六年說帖

竊盜殺賊軍
脫逃仍發烟瘴

河南司 查例載充軍常犯至配後如有脫逃係極
邊烟瘴者仍發雲貴兩廣極邊烟瘴充軍到配加枷
號三箇月又名例載本例應發四省烟瘴地方充軍

烟瘴軍犯在逃
行竊復犯徒罪

廣東撫 咨逃軍譚亞復原犯積匪猾賊在配脫逃
獨竊六次係復犯徒罪該撫將該犯照調發極邊烟
瘴充軍加枷號三個月之例問擬查此例係指在配
脫逃並未行竊而言若逃後犯竊罪應擬徒自應比
照在配行竊復犯徒罪枷號一年例科斷若如該撫
所擬是在配脫逃之軍犯反較在配行竊未經脫逃
之軍犯擬罪轉輕殊失平允譚亞復應改照極邊烟
瘴充軍之竊盜在配行竊復犯徒罪枷號一年例仍
發雲貴兩廣極邊烟瘴充軍到配所枷號一年照例

烟瘴軍犯在逃
行竊復犯流罪

刺字 道光七年案。參看後四案

安徽司 題賊犯李干老行竊逾貫案內之張三先
因犯竊疑徒在配脫逃復竊改發雲貴兩廣極邊烟
瘴充軍解配中途脫逃復聽從李干老等行竊計贓
逾貫按律罪應擬流例無烟瘴充軍之竊盜中途脫
逃行竊復犯流罪作何治罪明文將張三比照烟瘴
充軍之竊盜在配行竊復犯流罪者柳號二年例仍
發烟瘴充軍於到配後柳號二年滿日杖一百
道光十二年案。參看後三案

烟瘴軍犯有逃
行竊計數無幾

川督 岑何應祿原犯積匪猶賊改發雲貴兩廣極
邊烟瘴充軍今在逃行竊與在配行竊無異訊係一
時拘摸計賊在十兩以下罪止杖責應比照改發烟
瘴之竊盜在配復竊如審係一時拘摸計賊無幾罪
止杖責卽於遣所枷號三個月例加枷號三個月仍
發雲貴兩廣極邊烟瘴充軍到配再加枷號三個月
道光十三年案○參看後二案

陝撫 岑焦清明先因糾夥疊竊依積匪猶賊例擬
軍茲該犯在配逃回原籍復糾竊齊幅泰家衣物被

獲該撫將該犯仍發雲貴兩廣加枷號三個月固屬
依例辦理惟該犯本係烟瘴軍犯在配脫逃已應枷
號三個月今逃後復又行竊若仍枷號三個月與脫
逃而未行竊者無所區別應將焦清明仍發雲貴兩
廣加枷號三個月上再加枷號一個月共枷號四個
月道光九年案○叅看後案

西城察院 谷送駱佳兒因竊擬軍發配廣東該
犯在配脫逃復行竊四次計贓均在一兩上下查該
犯在逃行竊與在配行竊者不同亦與極邊烟瘴人

犯僅止脫逃者有間若仍照例於到配枷號三個月
殊與在配行竊並脫逃而未行竊者均無區別應將
駱仕兒依極邊烟瘴脫逃者仍發塞外兩廣極邊烟
瘴充軍枷號三個月例酌加枷號一個月仍發原配
安置并照例刺字

道光七年陝西司案○以上五案
辦理微有參差訛誤核

查譚亞復張三何應祿三案所引改發烟瘴之竊
盜在配復竊分別賊數遞加枷號之條係乾隆三
十四年廣東按察使條奏定例其未後若計賊滿
貫復犯死罪擬以絞決語意似係指原犯搶竊由
死減軍帖終復竊之賊匪而言若非由死罪減等
之烟瘴軍犯在配犯竊似與此例不符記與後三
案併核

搶奪減軍解配
中途脫逃犯竊

廣東撫 咨黃兆志先因搶奪刃傷事主擬斬緩決

減軍解配中途逃回復竊被獲拒傷兵丁平復計竊

賊一兩以上罪止擬杖惟刃禾鎗拒傷兵丁按刃傷

加等罪應擬徒例無專條將黃兆志比照免死減軍

人犯在配脫逃復有行兇為匪罪應徒者於逃罪加

等訓發上再加一等例於原犯極邊烟瘴充軍罪上

遞加二等應發新疆仍遵訓發新例改發雲貴兩廣

極邊烟瘴充軍加枷號三個月

道光十二年案○前後併案

浙撫 咨陳紹正因行竊刃傷事主擬絞減軍在配

因竊擬絞減軍
在配脫逃復竊

脫逃復聽從行竊計贓滿貫罪應擬流應比照免死
減軍人犯在配脫逃復有爲匪罪應徒流以上者於
逃罪加等調發上再加一等例於原犯極邊烟瘴充
軍罪上遞加二等應發新疆仍遵調發新例改發雲
貴兩廣極邊烟瘴充軍加枷號三個月
道光十年案
○前後併參
安徽司 咨詹淋因行竊擬絞減軍在配脫逃被獲
改發雲貴兩廣極邊烟瘴充軍解配中途脫逃復聽
從行竊計贓一百兩零罪應滿徒將詹淋照免死減
軍人犯在配脫逃復有爲匪罪應徒流以上者於逃

罪加等調發上再加一等例該犯係極邊烟瘴脫逃
本應改發新疆再加一等罪已外遣無可復加請酌
加枷號三個月仍遵調發章程改發雲貴兩府極邊
烟瘴枷號三個月共加枷號六個月道光十一年案
查黃兆志陳紹正詹淋三案均係因搶竊問擬斬
絞緩決減軍之犯比之譚亞復等三案情節較重
而擬罪轉輕記俟併核